

შპს „გარდაბნის თბოსადგური“



სატენდერო დოკუმენტაცია
ელექტრონული ტენდერი

გარდაბნის თბოელექტროსადგურის 220კვ ელექტრო გადამცემი ხაზების ბოგირული
გამთიშველის მოწყობა

CPV 45231400

თბილისი
2015

სარჩევი

1. ინფორმაცია ტენდერში მონაწილეთათვის
2. ტენდერის პირობები
3. პრეტენდენტის მიერ სისტემაში ასატვირთი ინფორმაცია
4. სახელმწიფო შესყიდვების შესახებ ხელშეკრულების პროექტი
5. დანართი №1 - სატენდერო წინადადების ფორმა
6. დანართი №2 - ტექნიკური დავალება
7. დანართი №3 - ხარჯთაღრიცხვა
8. დანართი №4 - ინფორმაცია შესრულებულ სამუშაოზე საგარანტიო პირობებისა და ვადების შესახებ
9. დანართი №5 - რეკვიზიტების ფორმა
10. დანართი №6 - საავანსო გადახდის საბანკო გარანტიის ფორმა
11. დანართი №7 - ხელშეკრულების უზრუნველყოფის საბანკო გარანტიის ფორმა

1. ინფორმაცია გამარტივებულ ელექტრონულ ტენდერში მონაწილეთათვის

სახელმწიფო შესყიდვების ერთიან ელექტრონულ სისტემაში (შემდგომში - სისტემა) შესყიდვის პროცედურების განხორციელების საფუძველია საქართველოს კანონი „სახელმწიფო შესყიდვების შესახებ“ (შემდგომში - კანონი) და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესი“ (შემდგომში - „წესი“), დამტკიცებული სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით, იხ. საიტი <http://procurement.gov.ge>

- ელექტრონული ტენდერი ტარდება თანახმად კანონის მე-3 მუხლის პირველი პუნქტის „ჟ“ ქვეპუნქტისა.
- ტენდერში გამოყენებული იქნება სატენდერო წინადადების უზრუნველყოფის გარანტია (ელექტრონული გარანტია) სატენდერო განცხადებაში მითითებული სავარაუდო ღირებულების 1%-ის ოდენობით, რომლის მოქმედების ვადა განისაზღვრება მინიმუმ 160 კალენდარული დღით, ტენდერისათვის სტატუსის „წინადადების მიღება დაწყებულია“ მინიჭების ეტაპიდან;
- პრეტენდენტს არა აქვს უფლება წარმოადგინოს ალტერნატიული წინადადება.

1.1. შესყიდვის ობიექტი:

გარდაბნის თბოელექტროსადგურის 220კვ ელექტრო გადამცემი ხაზების ბოგირული გამთიშველის მოწყობა - სამუშაო, CPV 45231400 .

2. ტენდერის პირობები

2.1. საკვალიფიკაციო მონაცემების დამადასტურებელი დოკუმენტები (პრეტენდენტმა უნდა წარმოადგინოს):

- ამონაწერი მეწარმეთა და არასამეწარმეო (არაკომერციულ) იურიდიულ პირთა რეესტრიდან;
- ცნობა შესაბამისი უფლებამოსილი ორგანოდან: პრეტენდენტის ან მისი საწარმოს მიმართ არ უნდა მიმდინარეობდეს ლიკვიდაციის ან გაკოტრების საქმის წარმოება;
- ცნობა შესაბამისი უფლებამოსილი ორგანოდან შესყიდვაში მონაწილეობის მსურველი პირის ქონებაზე საჯარო-სამართლებრივი შეზღუდვის არარსებობის შესახებ;
- ცნობა შესაბამისი უფლებამოსილი ორგანოდან ბიუჯეტის წინაშე დავალიანების არარსებობის შესახებ.

შენიშვნა:

- პრეტენდენტის მიერ წარმოსადგენი საკვალიფიკაციო მონაცემების დამადასტურებელი დოკუმენტები უნდა იყოს გაცემული „წინადადებების მიღება დაწყებულია“ ეტაპის დაწყების შემდეგ, ხოლო არარეზიდენტი პრეტენდენტის შემთხვევაში - აღნიშნული ეტაპის დაწყებამდე არა უგვიანეს ოცდაათი დღისა.
- საკვალიფიკაციო მოთხოვნები ვრცელდება ქვეკონტრაქტორებზეც (მათი არსებობის შემთხვევაში).
- არარეზიდენტმა ფიზიკურმა და იურიდიულმა პირებმა უნდა წარმოადგინონ თავიანთი ქვეყნის უფლებამოსილი ორგანოების მიერ გაცემული საკვალიფიკაციო მონაცემების დამადასტურებელი დოკუმენტები, რომლებსაც თან უნდა დაერთოს ნოტარიალურად დამოწმებული თარგმანი ქართულ ენაზე.

2.2. სამუშაოს შესრულების სავალდებულო ვადები და პირობები:

შემსრულებელმა სამუშაოების შესრულება უნდა უზრუნველყოს 90 კალენდარული დღის განმავლობაში თანახმად საპროექტო დოკუმენტაციისა და სატენდერო დოკუმენტაციის დანართი №2-ით (ტექნიკური დავალება).

2.3. ანგარიშსწორების პირობები:

ანგარიშსწორება შემსრულებელთან წარმოებს ლარში, უნაღდო ანგარიშსწორების ფორმით, ხელშეკრულებით გათვალისწინებული დოკუმენტების (მათ შორის სსიპ „ლევან სამხარაულის სახელობის სასამართლო ექსპერტიზის ეროვნული ბიურო“-ს მიერ საინჟინრო ექსპერტიზა გავლილი ფორმა №2-ის) წარმოდგენიდან 10 სამუშაო დღის ვადაში.

წინასწარი გადახდის მექანიზმი: შემსრულებლის მოთხოვნის შესაბამისად, წინასწარი ანგარიშსწორება შესაძლებელია განხორციელდეს შემდეგი ფორმით: შემსყიდველის მიერ მოხდება მთლიანი სახელშეკრულებო ღირებულების არაუმეტეს 20%-ის წინასწარ (ავანსი) გადარიცხვა შემსრულებლის მიერ წარმოდგენილი საავანსოდ გადასარიცხი თანხის იდენტური ოდენობის საბანკო დაწესებულების მიერ გაცემული უპირობო და გამოუთხოვადი საბანკო გარანტიის საფუძველზე. აღნიშნული საბანკო გარანტიის მოქმედების ვადა არანაკლებ 30 (ოცდაათი) დღით უნდა აღმატებოდეს ხელშეკრულებით გათვალისწინებული სამუშაოების შესრულების და მიღება-ჩაბარების აქტის გაფორმების ვადას. გარანტიის გამცემი ორგანიზაცია უნდა იყოს საქართველოში რეგისტრირებული ბანკი.

სასამართლო ექსპერტიზ(ებ)ის მოპოვება არის მიმწოდებლის ვალდებულება. აღნიშნული მომსახურების ღირებულება გათვალისწინებულია სატენდერო განცხადებაში მითითებულ შესყიდვის ობიექტის სავარაუდო ღირებულებაში.

2.4. შესყიდვის ობიექტის სავარაუდო ღირებულება:

სავარაუდო ღირებულება შეადგენს **231 509,00** ლარს, დღგ-ს ჩათვლით.

შენიშვნა:

- იმ შემთხვევაში თუ ტენდერში ელექტრონული ვაჭრობის შედეგად გამარჯვებული მიმწოდებლის მიერ სისტემაში დაფიქსირებული საბოლოო ფასი 20%-ზე მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაციის მოთხოვნის შემთხვევაში, მიმწოდებელმა უნდა დაასაბუთოს ფასწარმოქმნის ადეკვატურობა ან/და ამ ფასად ტენდერით გათვალისწინებული ვალდებულების შესრულების შესაძლებლობა.

2.5. საკონტაქტო ინფორმაცია

2.5.1. სატენდერო დოკუმენტაციასთან დაკავშირებული განმარტებებისა და დამატებითი ინფორმაციის მოთხოვნების მიერ დაინტერესებულ პირს შეუძლია სახელმწიფო შესყიდვების ერთიანი ელექტრონული სისტემის მოდულის „კითხვა/პასუხის“ მეშვეობით შესაბამის ტენდერში „ტენდერი გამოცხადებულია“ სტატუსის მინიჭებიდან „წინადადების მიღება დასრულებულია“ სტატუსის მინიჭებამდე არაუგვიანეს 24 საათისა.

2.5.2. ტენდერთან დაკავშირებული განმარტებისა და დამატებითი ინფორმაციის დაზუსტება/განმარტება განხორციელდება გონივრულ ვადაში, მაგრამ არაუგვიანეს 2 საათისა შესაბამის ტენდერში „წინადადების მიღება დასრულებულია“ სტატუსის მინიჭებამდე.

2.5.3. ყველაზე დაბალი ფასის წინადადების მქონე მიმწოდებლის მოთხოვნის შემთხვევაში 2.5.1. პუნქტით გათვალისწინებული შესაბამისი დაზუსტება/განმარტება განხორციელდება გონივრულ ვადაში, შესაბამის ტენდერში „შერჩევა/შეფასების“ სტატუსის მინიჭებიდან „ხელშეკრულება დადებულია“ სტატუსის მინიჭებამდე.

საკონტაქტო პირები: გიორგი კვესიტაძე - ტელ +995 (32) 224-40-15 (დამ.703), მობ 595 025269.

2.6. ტექნიკური დოკუმენტაცია

სამუშაო უნდა შესრულდეს თანახმად №2 დანართში განსაზღვრული პირობებისა.

დამატებითი მოთხოვნები პრეტენდენტებთან:

- პრეტენდენტს უნდა ჰქონდეს უკანასკნელი 2 წლის განმავლობაში მსგავსი სამუშაოს შესრულების გამოცდილება;
- საგარანტიო ვადა ტენდერში გამარჯვებულ პრეტენდენტთან დადებული ხელშეკრულებით შესრულებულ სამუშაოებზე უნდა იყოს არანაკლებ 2 წლისა.

2.7 ხელშეკრულების უზრუნველყოფის საბანკო გარანტია:

ხელშეკრულების განხორციელების უზრუნველყოფის მიზნით გამოყენებული იქნება უპირობო და გამოუთხოვადი საბანკო გარანტია, რომელიც ხელშეკრულების ღირებულების 5%-ს უნდა შეადგენდეს. გარანტიის გამცემ ორგანიზაციას უნდა იყოს საქართველოში რეგისტრირებული ბანკი. აღნიშნული გარანტიის მოქმედების ვადა უნდა აღემატებოდეს სამუშაოს შესრულების მიღება-ჩაბარების აქტის საბოლოო ვადას მინიმუმ 30 კალენდარული დღით,

2.8 ქვეკონტრაქტორები (მათი არსებობის შემთხვევაში)

პრეტენდენტმა უნდა წარმოადგინოს ინფორმაცია ქვეკონტრაქტორებზე და მათ პასუხისმგებლობაზე კონტრაქტის ფარგლებში. ქვეკონტრაქტორების გამოყენება დასაშვებია მხოლოდ შემსყიდველისაგან წინასწარი თანხმობის მიღების შემთხვევაში და სატენდერო პაკეტში უნდა იყოს წერილი თითოეული ქვეკონტრაქტორისგან მათ ბლანკზე, რომ ისინი მზად არიან იმუშაონ კონტრაქტით გათვალისწინებულ პროექტზე. ქვეკონტრაქტორის ცვლილება უნდა მოხდეს შემსყიდველის წინასწარი თანხმობით.

3. პრეტენდენტის მიერ ელექტრონულ ტენდერში ასატვირთი ინფორმაცია

პრეტენდენტმა ელექტრონულ სისტემაში უნდა ატვირთოს:

- სატენდერო წინადადება - დანართი №1;
- ტექნიკური დავალება - დანართი №2;
- ხარჯთაღრიცხვა - დანართი №3-ის მიხედვით;
- ინფორმაცია შესასრულებელ სამუშაოზე საგარანტიო პირობებისა და ვადების შესახებ - დანართი №4
- რეკვიზიტების ფორმა - დანართი №5;
- ინფორმაცია პრეტენდენტის მიერ უკანასკნელი 2 წლის განმავლობაში მსგავსი სამუშაოს განხორციელების შესახებ;
- ინფორმაცია ქვეკონტრაქტორ(ებ)ის შესახებ (მათი არსებობის შთხვევაში).

***შენიშვნა:** პრეტენდენტის მიერ ატვირთული ყველა დოკუმენტი დამოწმებული უნდა იქნეს ხელმძღვანელის ან მის მიერ უფლებამოსილი პირის ხელმოწერით (უფლებამოსილების დამადასტურებელი დოკუმენტის ატვირთვით).*

4. სახელმწიფო შესყიდვების შესახებ ხელშეკრულების პროექტი

ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებულ პრეტენდენტთან ხელშეკრულების გაფორმების პროცესში

ქ. თბილისი, -----, 2015 წ.

ერთის მხრივ, შპს “გარდაბნის თბოსადგური” (შემდგომში – “შემსყიდველი”), წარმოდგენილი გენერალური დირექტორის ლაშა მგელაძის სახით,
და მეორეს მხრივ, ----- (შემდგომში “მიმწოდებელი”/„შემსრულებელი“) წარმოდგენილი -----
სახით,

იმ გარემოებიდან გამომდინარე, რომ 2015 წლის ----- შემსყიდველის მიერ სახელმწიფო შესყიდვების შესახებ საქართველოს კანონის მე-3 მუხლის პირველი პუნქტის “ჟ” ქვეპუნქტის შესაბამისად გამოცხადებულ გამარტივებულ ელექტრონულ ტენდერში SPA ----- (შემდგომში - ტენდერი) გამარჯვებულად გამოცხადდა - ----- ფასით ----- ლარი დღგ-ს ჩათვლით, ვთანხმდებით შემდეგზე:

1. ხელშეკრულების საგანი:

- 1.1. წინამდებარე ხელშეკრულების საგანია გარდაბნის თბოელექტროსადგურის 220კვ ელექტრო გადამცემი ხაზების ბოგირული გამთიშველის მოწყობა, CPV 45231400 (შემდგომში - სამუშაო).
- 1.2. შესასრულებელი „სამუშაოს“ შინაარსი განსაზღვრულია საპროექტო დოკუმენტაციაში და სატენდერო დოკუმენტაციის დანართში №2 (ტექნიკური დავალება).
- 1.3. მიმწოდებლის მიერ ტენდერში წარმოდგენილი დანართები №1-5, წარმოადგენს ამ ხელშეკრულების დანართებს.

2. მხარეთა უფლება-მოვალეობები

- 2.1. “შემსყიდველი” უფლებამოსილია მოსთხოვოს “შემსრულებელს” ხელშეკრულებით ნაკისრი ვალდებულებების დროულად და სრულად შესრულება.
- 2.2. “შემსყიდველი” ვალდებულია, უზრუნველყოს შესაბამისი ანგარიშსწორება ხელშეკრულებით გათვალისწინებული პირობებითა და ოდენობით;
- 2.3. “შემსრულებელი” უფლებამოსილია, მოსთხოვოს “შემსყიდველს” ხელშეკრულებით ნაკისრი ვალდებულებების დროულად და სრულად შესრულება.
- 2.4. “შემსრულებელი” ვალდებულია, კეთილსინდისიერად, ხარისხიანად და დროულად შეასრულოს მასზე ამ ხელშეკრულებით დაკისრებული მოვალეობები;
- 2.5. “შემსრულებელი” ვალდებულია საკუთარი ხარჯებით უზრუნველყოს სსიპ „ლევან სამხარაულის სახელობის სასამართლო ექსპერტიზის ეროვნული ბიურო“-ს მიერ ფაქტობრივად შესრულებული სამუშაოების საინჟინრო ექსპერტიზა წარმოდგენილი ფორმა N2-ის მიხედვით. რომელიც აისახება საბოლოო მიღება-ჩაბარების აქტში და შესაბამის ანგარიშ-ფაქტურაში.

3. „სამუშაოს“ შესრულების და მიღება-ჩაბარების წესი

- 3.1. შემსრულებელმა სამუშაოების შესრულება უნდა უზრუნველყოს 90 კალენდარული დღის განმავლობაში.
- 3.2. ხელშეკრულებით გათვალისწინებული „სამუშაოების“ დასრულების შემდგომ, სსიპ „ლევან სამხარაულის სახელობის სასამართლო ექსპერტიზის ეროვნული ბიურო“-ს მიერ ფაქტობრივად შესრულებული სამუშაოების საინჟინრო ექსპერტიზის დასკვნის წარმოდგენიდან 5 კალენდარული დღის განმავლობაში „შემსრულებელსა“ და „შემსყიდველს“ შორის ფორმდება მიღება-ჩაბარების აქტი, რომელსაც ხელს აწერენ მხარეთა მიერ უფლებამოსილი პირები.

4. „სამუშაოს“ ხარისხი

- 4.1. „შემსრულებელი“ იღებს ვალდებულებას, რომ შესრულებული სამუშაოს ხარისხი უპასუხებს ხელშეკრულებით გათვალისწინებულ პირობებს და დააკმაყოფილებს „შემსყიდველის“ მოთხოვნებს წინამდებარე ხელშეკრულების დანართებით გათვალისწინებულ ფარგლებში.
- 4.2 „სამუშაოს“ ხარისხი უნდა შეესაბამებოდეს ამ სფეროში არსებულ სტანდარტებს და ტექნიკურ ნორმებს.
- 4.3 შემსყიდველი უფლებამოსილია უარი განაცხადოს უხარისხო სამუშაოს მიღებაზე, ან შემსყიდველის ინსპექტირების ჯგუფის მიერ დაწინაურებული იმ სამუშაოს მიღებაზე, რომელიც არ შეესაბამება წინამდებარე ხელშეკრულებით გათვალისწინებულ მოთხოვნებს.

5. ხელშეკრულების ფასი და ანგარიშსწორების წესი

5.1. ხელშეკრულებით გათვალისწინებული სამუშაოს მაქსიმალური სავარაუდო ჯამური ღირებულება შეადგენს _____ ლარს, საქართველოს კანონმდებლობით გათვალისწინებული ყველა გადასახადის ჩათვლით (მათ შორის დღგ-ისა და საბაჟო გადასახადების). თუკი „შემსრულებელი“ განახორციელებს სამუშაოების შესრულებისათვის საჭირო მასალების იმპორტს, მან საკუთარი პასუხისმგებლობისა და სახსრებით უნდა უზრუნველყოს საბაჟო პროცედურებისა და განბაჟებისათვის საჭირო ყველა გადასახადის გადახდა.

5.2. შემსყიდველი ანგარიშსწორებას მოახდენს სსიპ „ლევან სამხარაულის სახელობის სასამართლო ექსპერტიზის ეროვნული ბიურო“-ს მიერ დადგენილი ფაქტიურად შესრულებული სამუშაოს ღირებულების მიხედვით (ექსპერტიზის ხარჯების გათვალისწინებით).

5.3. შემსრულებლის მიერ შესრულებული სამუშაოს ღირებულების გადაჭარბების შემთხვევაში, შემსრულებელს არ წარმოეშობა შემსყიდველის მიმართ დამატებითი ღირებულების ანაზღაურების მოთხოვნის უფლება, შესაბამისად აღნიშნულ შემთხვევაში შემსყიდველი ანგარიშსწორებას უზრუნველყოფს მხოლოდ ხელშეკრულების მაქსიმალური ჯამური სავარაუდო ღირებულებით.

5.4. ანგარიშსწორების განსახორციელებლად „შემსრულებელმა“ უნდა წარმოადგინოს შემდეგი დოკუმენტები:

ა) ფორმა №2-ის მიხედვით სსიპ „ლევან სამხარაულის სახელობის სასამართლო ექსპერტიზის ეროვნული ბიურო“-ს მიერ გაცემული საინჟინრო ექსპერტიზის დასკვნა;

ბ) მიღება-ჩაბარების აქტი;

გ) საგადასახადო ანგარიშ-ფაქტურა.

5.5. ანგარიშსწორება „შემსრულებელთან“ წარმოებს ლარში, უნაღდო ანგარიშსწორების ფორმით, „შემსრულებლის“ მიერ წინამდებარე ხელშეკრულების 5.4. პუნქტით გათვალისწინებული დოკუმენტების „შემსყიდველისთვის“ წარმოდგენიდან **10 სამუშაო დღის ვადაში**.

5.6. იმ შემთხვევაში, თუ „მიმწოდებელი“ მოითხოვს წინასწარ (საავანსო) ანგარიშსწორებას, „შემსყიდველი“ „მიმწოდებელს“ ავანსის სახით გადაუხდის წინამდებარე ხელშეკრულების საერთო ღირებულების არაუმეტეს 20%-ისა (ოცი პროცენტი), მიმწოდებლის მიერ შემსყიდველისათვის წინამდებარე ხელშეკრულების მე-6 მუხლში მითითებული შესაბამისი საბანკო გარანტიის წარდგენიდან 5 სამუშაო დღის განმავლობაში.

5.7. წინასწარ გადახდილი თანხის გაქვითვის მიზნით, „შემსყიდველი“ გადახდილი საავანსო თანხის მთელ მოცულობას გამოქვითავს „მიმწოდებლისათვის“ გადასახდელი თანხიდან.

6. ავანსის უზრუნველყოფის საბანკო გარანტია

6.1. „მიმწოდებელმა“ თანხის ავანსის სახით მიღების მიზნით „შემსყიდველს“ უნდა წარუდგინოს ავანსის ღირებულების უპირობო და გამოუთხოვადი საბანკო დაწესებულების მიერ გაცემული საბანკო გარანტია. აღნიშნული საბანკო გარანტიის მოქმედების ვადა არანაკლებ 30 (ოცდაათი) კალენდარული დღით უნდა აღემატებოდეს სამუშაოს შესრულების და მიღება-ჩაბარების აქტის ხელმოწერის თარიღს. გარანტიის გამცემი ორგანიზაცია უნდა იყოს საქართველოში რეგისტრირებული ბანკი.

6.2. ხელშეკრულების 6.1. პუნქტში აღნიშნული საბანკო გარანტია უნდა ითვალისწინებდეს ბანკის უპირობო ვალდებულებას „შემსყიდველის“ პირველივე მოთხოვნისთანავე საბანკო გარანტიის სრული ან ნაწილი თანხის ანაზღაურების თაობაზე.

6.3. „შემსყიდველი“ საავანსო საბანკო გარანტიას უზრუნველყავს „მიმწოდებელს“ მომსახურების სრულად მიწოდებიდან და მიღება-ჩაბარების აქტის გაფორმებიდან 30 კალენდარული დღის განმავლობაში.

6.4. „შემსყიდველი“ უფლებამოსილია გამოიყენოს 6.1. პუნქტში მითითებული ავანსის საბანკო გარანტია იმ შემთხვევაში, თუ „მიმწოდებელი“ დაარღვევს წინამდებარე ხელშეკრულების პირობას ან ვერ უზრუნველყოფს წინამდებარე ხელშეკრულებით გათვალისწინებული ვალდებულებების ჯეროვან შესრულებას.

6.5. ხელშეკრულების შეწყვეტის შემთხვევაში „შემსყიდველი“ უფლებამოსილია აინაზღაუროს აუთვისებელი ავანსი ავანსის უზრუნველყოფის საბანკო გარანტიიდან.

6.6. ავანსის უზრუნველყოფის საბანკო გარანტიის წარმოდგენა უნდა მოხდეს ხელშეკრულებაზე თანდართული ფორმით (დანართი № 6)

7. ხელშეკრულების შესრულების უზრუნველყოფის საბანკო გარანტია

7.1. წინამდებარე ხელშეკრულების შესრულების უზრუნველყოფის მიზნით, მიმწოდებელმა შემსყიდველს უნდა წარუდგინოს უპირობო და გამოუთხოვადი საბანკო გარანტია. წინამდებარე ხელშეკრულების ჯამური ღირებულების 5%-ის (ხუთი პროცენტი) ოდენობით, გარანტიის გამცემი ორგანიზაცია უნდა იყოს საქართველოში რეგისტრირებული ბანკი.

7.2. მიმწოდებლის მიერ წარმოდგენილი საბანკო გარანტია ძალაში უნდა იყოს წინამდებარე ხელშეკრულების თანახმად განსაზღვრული სამუშაოების სრულად შესრულებიდან დამატებით 30 დღის განმავლობაში.

7.3. შემსყიდველი უფლებამოსილია გამოიყენოს 7.1 პუნქტში მითითებული გადაცემული ხელშეკრულების შესრულების საბანკო გარანტია სრულად, იმ შემთხვევაში, თუ მიმწოდებელი დაარღვევს წინამდებარე ხელშეკრულების პირობებს ან ვერ უზრუნველყოფს წინამდებარე ხელშეკრულებით გათვალისწინებული ვალდებულებების ჯეროვან შესრულებას.

7.4. ხელშეკრულების შესრულების უზრუნველყოფის საბანკო გარანტიით განხორციელებული გადახდა არ ათავისუფლებს მიმწოდებელს ხელშეკრულების შეუსრულებლობით შემსყიდველისათვის მიყენებული და საგარანტიო თანხით აუნაზღაურებელი ზიანის (ზარალის) ანაზღაურების ვალდებულებისაგან.

7.5. იმ შემთხვევაში თუ მიმწოდებლის მიერ ვერ ესწრება სადგურის სრულად მიწოდება შემსყიდველისათვის წინამდებარე ხელშეკრულებით გათვალისწინებულ სადგურის მიწოდების თარიღამდე, მიმწოდებელი ვალდებულია 5 კალენდარული დღის ვადაში ხელშეკრულების შესრულების უზრუნველყოფის საბანკო გარანტიას გაუგრძელოს მოქმედების ვადა იმგვარად, რომ დაცული იყოს 7.2. პუნქტში მითითებული დროის პერიოდი.

7.6. ხელშეკრულების შესრულების უზრუნველყოფის საბანკო გარანტიაში ბენეფიციარად მითითებულ უნდა იქნას შპს „გარდაზნის თბოსადგური“ (შემსყიდველი).

7.7. ხელშეკრულების შესრულების უზრუნველყოფის საბანკო გარანტიის წარმოდგენა უნდა მოხდეს ხელშეკრულებაზე თანდართული ფორმით (დანართი №7)

8. ხელშეკრულების პირობების შეუსრულებლობა

8.1. „შემსრულებელი“ იძლევა გარანტიას, რომ მის მიერ შესრულებული „სამუშაო“ შეესაბამება ხელშეკრულების 1.2 და მე-4 მუხლებში მითითებულ კრიტერიუმებს, გარანტიის მოქმედების ვადა განსაზღვრულია ამ ხელშეკრულების დანართში N4.

8.2. იმ შემთხვევაში, თუ „მიმწოდებელი“ ვერ უზრუნველყოფს ამ ხელშეკრულებით გათვალისწინებული 8.1. მუხლში მითითებული კრიტერიუმების შესაბამისი „სამუშაოს“ მიწოდებას, „შემსყიდველს“ უფლება აქვს დააკისროს „მიმწოდებელს“ ხელშეკრულების ღირებულების 5% პირგასამტეხლოს გადახდა, რაც „მიმწოდებელმა“, „შემსყიდველისაგან“ პირგასამტეხლოს დაკისრების თაობაზე წერილობითი შეტყობინების მიღების დღიდან, დაუყოვნებლივ, მაგრამ არაუგვიანეს სამი კალენდარული დღისა უნდა გადაიხადოს.

8.3. მხარეების მიერ ხელშეკრულების პირობების შეუსრულებლობა და/ან დარღვევა გამოიწვევს მათ პასუხისმგებლობას წინამდებარე ხელშეკრულებისა და მოქმედი კანონმდებლობით დადგენილი წესის შესაბამისად.

8.4. არაჯეროვნად „სამუშაოს“ შესრულების შედეგად „შემსყიდველისთვის“, ან მესამე მხარისათვის მიყენებული ნებისმიერი ზიანის ანაზღაურება ეკისრება „შემსრულებელს“.

8.5. მხარეს შეუძლია მოითხოვოს მეორე მხარის მიერ ნაკისრი ვალდებულებების შეუსრულებლობით ან არაჯეროვანი შესრულებით მისთვის მიყენებული ზიანის ანაზღაურება.

8.6. „სამუშაოს“ შესრულების დაყოვნების შემთხვევაში „შემსრულებელი“ ვალდებულია გადაუხადოს „შემსყიდველს“ პირგასამტეხლო ყოველ ვადაგადაცილებულ კალენდარულ დღეზე „სამუშაოს“ საერთო ღირებულების 0,1%-ის ოდენობით. შემსყიდველი უფლებამოსილია ანგარიშსწორებისას შემსრულებელს გამოუქვითოს პირგასამტეხლოს სახით მასზე დარიცხული თანხა.

8.7. „შემსყიდველის“ მიერ ანგარიშსწორების ვადის გადაცილების შემთხვევაში „შემსრულებელს“ უფლება აქვს დააკისროს „შემსყიდველს“ პირგასამტეხლოს გადახდა ყოველ ვადაგადაცილებულ სამუშაო დღეზე გადაუხდელო თანხის 0,1%-ის ოდენობით.

8.8. „შემსრულებლის“ მიერ პირგასამტეხლოს გადახდა, სამოქალაქო კოდექსით გათვალისწინებული შემთხვევების გარდა, არ ათავისუფლებს მას წინამდებარე ხელშეკრულებით ნაკისრი ვალდებულებების ჯეროვნად შესრულების მოვალეობისაგან.

8.9. თუ ხელშეკრულება შეწყდება შემსრულებლის მიერ ხელშეკრულების პირობების შეუსრულებლობის ან არაჯეროვანი შესრულების გამო, ასევე, თუ შემსრულებელი შემსყიდველის მიერ განსაზღვრულ ვადაში ვერ აღმოფხვრის საგარანტიო ვადაში გამოვლენილ დეფექტს, შემსყიდველს უფლება აქვს დააკისროს „მიმწოდებელს“ ხელშეკრულების ღირებულების 5% პირგასამტეხლოს გადახდა, რაც „მიმწოდებელმა“, „შემსყიდველისაგან“ პირგასამტეხლოს დაკისრების თაობაზე წერილობითი შეტყობინების მიღების დღიდან, დაუყოვნებლივ, მაგრამ არაუგვიანეს სამი კალენდარული დღისა უნდა გადაიხადოს.

9. მხარეთა პასუხისმგებლობისგან გათავისუფლება

9.1. მხარეები არ აგებენ პასუხს ვალდებულებათა სრული ან ნაწილობრივი შეუსრულებლობისათვის იმ შემთხვევაში, თუ აღნიშნული გამოწვეულია ფორს-მაჟორული გარემოებებით (მიწისძვრა, წყალდიდობა, სახელმწიფო გადატრიალება და სხვა გარემოებები, რომლებიც არ არიან დამოკიდებული მხარეებზე და ითვლებიან ფორს-მაჟორულ გარემოებებად).

9.2. მხარემ, რომელსაც შეექმნა ფორს-მაჟორული გარემოება დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ. წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისაგან.

9.3. წერილობით შეტყობინებაში მითითებული ფაქტები დადასტურებული უნდა იქნას კომპეტენტური ორგანოს მიერ. დადასტურება არ არის საჭირო, თუ აღნიშნული ფაქტები ცნობილია საზოგადოდ.

9.4. მხარეები ანახლებენ თავიანთი ვალდებულებების განხორციელებას ფორს-მაჟორული გარემოებების აღმოფხვრისთანავე.

10. ხელშეკრულების ინსპექტირების პირობები

10.1. “შემსყიდველს” ან მის მიერ უფლებამოსილ პირს უფლება აქვს განახორციელოს „სამუშაოს“ კონტროლი და/ან შეამოწმონ, სრულად არის თუ არა შესრულებული „სამუშაო“

10.2. “შემსრულებლის” მიერ ხელშეკრულებისა და მისი დანართების შესრულებაზე კონტროლს ახორციელებს “შემსყიდველის” მიერ შექმნილი ინსპექტირების ჯგუფი.

10.3. ინსპექტირების ჯგუფის ფუნქციებია:

- სამუშაოს მოცულობის, ხარისხისა და ვადების წინადადებარე ხელშეკრულების მოთხოვნებთან შესაბამისობის დადგენის მიზნით სათანადო კონტროლისა და ზედამხედველობის განხორციელება;
- წინამდებარე ხელშეკრულებით გათვალისწინებული ანგარიშსწორების პროცესის რეგულირება;
- საჭიროების შემთხვევაში წინამდებარე ხელშეკრულების შესრულების მიმდინარეობის ამსახველი პერიოდული დოკუმენტაციის წარმოება და შენახვა;
- წინამდებარე ხელშეკრულების ეფექტური შესრულების მიზნით სხვა უფლებამოსილების განხორციელება.

10.4. “შემსრულებელი” ვალდებულია საკუთარი რესურსით უზრუნველყოს ინსპექტირების ჯგუფი შემოწმების ჩატარებისთვის აუცილებელი პერსონალით, ტექნიკური საშუალებებითა და სხვა სამუშაო პირობებით.

10.5. ყოველი გამოვლენილი დეფექტის და/ან ნაკლის აღმოფხვრასთან და ინსპექტირებასთან დაკავშირებული ხარჯების ანაზღაურება ეკისრება “შემსრულებელს”.

11. ხელშეკრულებაში ცვლილებების შეტანა

11.1. ხელშეკრულების მონაწილე არც ერთ მხარეს არ აქვს უფლება ცალმხრივად შეცვალოს ხელშეკრულების პირობები.

11.2. დაუშვებელია ხელშეკრულებაში იმგვარი ცვლილებების შეტანა, რომლის შედეგად შემსყიდველისათვის იზრდება ხელშეკრულების ღირებულება ან უარესდება ხელშეკრულების პირობები, გარდა სამოქალაქო კოდექსის 398-ე მუხლით დადგენილი შემთხვევებისა.

11.2.1. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

11.3. ხელშეკრულების პირობების ნებისმიერი ცვლილება უნდა გაფორმდეს წერილობითი ფორმით შეთანხმების სახით, რომელიც თან დაერთვება ხელშეკრულებას და ჩაითვლება მის განუყოფელ ნაწილად.

11.4. ხელშეკრულებაში შეტანილი ყველა ცვლილება იურიდიულ ძალას იძენს მხოლოდ მხარეთა მიერ მისი ხელმოწერის დღიდან.

12. ხელშეკრულების ძალაში შესვლა და მოქმედების ვადა

12.1. ხელშეკრულება ძალაში შედის მხარეთა მიერ მისი ხელმოწერის დღიდან და მოქმედებს ამ ხელშეკრულების 5.5. პუნქტით განსაზღვრული ვადიდან დამატებით 30 კალენდარული დღის განმავლობაში.

12.2. ხელშეკრულების შესაბამისი მუხლები ძალაში რჩება, მხარეთა მიერ ნაკისრი ვალდებულებების სრულ ამოწურვამდე.

13. ხელშეკრულების შეწყვეტა

13.1. მხარეებს შეუძლიათ ურთიერთშეთანხმებით, ორმხრივად შეწყვიტონ წინამდებარე ხელშეკრულება მისი მოქმედების ნებისმიერ ეტაპზე.

13.2. ნებისმიერ მხარეს შეუძლია ცალმხრივად შეწყვიტოს ხელშეკრულება მეორე მხარისათვის წერილობითი შეტყობინების გაგზავნის საფუძველზე, იმ შემთხვევაში თუ:

ა) რომელიმე მხარემ მთლიანად ან ნაწილობრივ დაარღვია ამ ხელშეკრულების პირობა და არ/ვერ აღმოფხვრა აღნიშნული დარღვევა იმ ვადაში, რა ვადაც მითითებული იყო მეორე მხარის მიერ დარღვევის აღმოფხვრის შესახებ გაგზავნილ წერილობით მოთხოვნაში.

ბ) ხელშეკრულების ერთ-ერთი მხარე სისტემატიურად არღვევს წინამდებარე ხელშეკრულების პირობებს;

გ) სსკ 398-ე მუხლით გათვალისწინებულ შემთხვევაში.

13.3. შემსყიდველი უფლებამოსილია ცალმხრივად შეწყვიტოს წინამდებარე ხელშეკრულება მისი მოქმედების ნებისმიერ ეტაპზე. ხელშეკრულება წყვეტს მოქმედებას შემსყიდველის მიერ გაგზავნილ შეტყობინებაში მითითებული ვადის შესაბამისად.

14. დავების გადაწყვეტა, გამოყენებადი სამართალი

14.1. მხარეთა შორის წარმოშობილი ნებისმიერი დავა წყდება მხარეთა ურთიერთმოლაპარაკების გზით.

- 14.2. შეთანხმების მიუღწევლობის შემთხვევაში ყველა სადავო საკითხი წყდება საქართველოს სასამართლოში.
- 14.3. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

15. დასკვნითი დებულებები

- 15.1. ხელშეკრულება შედგენილია ქართულ ენაზე, თანაბარი იურიდიული ძალის მქონე 2 (ორ) ეგზემპლარად.
- 15.2. ხელშეკრულების ცალკეული მუხლის და/ან პუნქტის ბათილობა ან ძალადაკარგულად ცნობა არ ახდენს გავლენას მთლიანად ხელშეკრულების ან მისი დანართების ნამდვილობაზე.
- 15.3. წინამდებარე ხელშეკრულებიდან გამომდინარე ნებისმიერი შეტყობინება მხარეთა შორის წარმოებს წერილობით ან ელექტრონული ფოსტის მეშვეობით.
- 15.4. ხელშეკრულების არც ერთ მხარეს არა აქვს უფლება მეორე მხარის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობები.

მხარეთა რეკვიზიტები და ხელმოწერები

5. დანართი №1 - სატენდერო წინადადება

შესყიდვის ობიექტი:

გარდაზნის თბოელექტროსადგურის 220კვ ელექტრო გადამცემი ხაზების ბოგირული გამთიშველის მოწყობა

სატენდერო წინადადების ფასი: ----- ლარი, დღგ-ს ჩათვლით.

სატენდერო წინადადების ფასი მოიცავს:

1. ხარჯთაღირცხვის ჯამურ ღირებულებას ----- ლარი;
2. სსიპ „ლევან სამხარაულის სახელობის სასამართლო ექსპერტიზის ეროვნული ბიურო“-ს საინჟინრო ექსპერტიზის დასკვნის ღირებულებას ----- ლარი.

ამით ვადასტურებ, რომ სამუშაოებს შევასრულებ დანართების №2-№4 შესაბამისად.

პრეტენდენტი:

ხელმოწერა ----- თარიღი -----

6. დანართი №2 - ტექნიკური დავალება

გარდაზნის თბოელექტროსადგურის 220კვ ელექტრო გადამცემი ხაზების ბოგირული გამთიშველის მოწყობა

სამუშაოების ჩატარების ტექნიკური პირობები:

1. ბოგირული გამთიშველი უნდა მოეწყოს წარმოდგენილი საპროექტო დოკუმენტაციის თანახმად (თან ერთვის).
2. სამუშაოების შესრულების ვადა 90 კალენდარული დღე
3. მომწოდებელი ვალდებულია აღნიშნულ ვადაში ასევე შეასრულოს: სამშენებლო მოედნის მოწყობა, სამობილიზაციო სამუშაოები, სამუშაოების დასრულების შემდეგ მიმდებარე ტერიტორიის გაწმენდა სამშენებლო და სხვა სახის ნარჩენებისგან დადგენილი ნორმების შესაბამისად.
4. მუშაობის პროცესში შემსრულებელი ვალდებულია სამუშაოები შეასრულოს მოქმედი სამშენებლო ნორმების მიხედვით, დაიცვას კანონმდებლობით გათვალისწინებული შრომის უსაფრთხოების და გარემოსდაცვითი ყველა ნორმა.
5. შემსრულებელი ვალდებულია დაიცვას სამუშაო ტერიტორიაზე არსებული სხვა საკომუნიკაციო ქსელი ნებისმიერი სახის ზემოქმედებისა და დაზიანებისაგან სამუშაოების შესრულების პერიოდში და ვალდებულია საკუთარი ხარჯებით უზრუნველყოს დაზიანების აღმოფხვრა.
6. შემსრულებელს უფლება აქვს კორექტივები შეიტანოს პროექტით გათვალისწინებულ სამუშაოებში, მხოლოდ შემსყიდველთან შეთანხმებით.

დანართი: საპროექტო დოკუმენტაცია შესაბამისი დანართებით (ატვირთულია სისტემაში)

ვეთანხმები ტექნიკურ დავალებას

ხელმოწერა, ბეჭედი _____ თარიღი _____

7 დანართი №3 - ხარჯთაღრიცხვა

გარდაზნის თბოელექტროსადგურის 220კვ ელექტრო გადამცემი ხაზების ბოგირული გამთიშველის მოწყობა

უნდა იყოს წარმოდგენილი დეტალური ხარჯთაღრიცხვა, შედგენილი საპროექტო დოკუმენტაციის და ტექნიკური დავალების მიხედვით.

ხარჯთაღრიცხვა შედგენილი უნდა იყოს აღნიშნულ სფეროში მოქმედი ნორმატიული დოკუმენტაციის შესაბამისად, მათ შორის: 'საქართველოს ეკონომიკისა და მდგრადი განვითარების' მინისტრის 2012 წლის 12 ივლისის ბრძანება №1-1/1463 „სამშენებლო სამუშაოების სახელმწიფო შესყიდვისას ზედნადები ხარჯებისა და გეგმური მოგების განსაზღვრის წესის დამტკიცების შესახებ“.

ხელმოწერა, ბეჭედი ----- თარიღი -----

8. დანართი №4 - ინფორმაცია შესასრულებელ სამუშაოზე საგარანტიო პირობებისა და ვადების შესახებ

გარდაზნის თბოელექტროსადგურის 220კვ ელექტრო გადამცემი ხაზების ბოგირული გამთიშველის მოწყობა

ჩვენს მიერ შესრულებულ სამუშაოებზე გავრცელდება _____ წლიანი გარანტია

შენიშვნა: შესრულებულ სამუშაოზე შემსრულებელმა უნდა გაავრცელოს მინიმუმ 2 (ორი) წლიანი გარანტია.

საგარანტიო პირობები: შემსრულებელმა საგარანტიო ვადის განმავლობაში უნდა უზრუნველყოს ყველა იმ დეფექტის აღმოფხვრა-გამოსწორება, რაც გამოვლენილი იქნება შემსყიდველის მიერ სწორი ექსპლოატაციის პირობების დაცვის შემთხვევაში. საგარანტიო ვადა აითვლება საბოლოო მიღება-ჩაბარების აქტის გაფორმებიდან.

ხელმოწერა, ბეჭედი ----- თარიღი -----

9. დანართი №5 - რეკვიზიტების ფორმა:

რეკვიზიტები:

პრეტენდენტის იურიდიული ფორმა და დასახელება:

ხელმძღვანელის თანამდებობა/პოზიცია, დასახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის

ნომერი:

ელექტრონული მისამართი:

მომსახურე ბანკის დასახელება:

ბანკის კოდი:

ანგარიშის ნომერი:

ხელმოწერა, ბეჭედი ----- თარიღი -----

დანართი 6: ავანსის გარანტია

გარანტი:

გარანტის სახელწოდება

პრინციპალი :

პრინციპალის სახელწოდება

პირადი ნომერი/საიდენტიფიკაციო კოდი: -----

ბენეფიციარი :

ბენეფიციარის სახელწოდება

გარანტიის თანხა :

გარანტიის გაცემის საფუძველი :

“ბენეფიციარსა” და „პრინციპალს“ შორის 201- წლის (რიცხვი, თვე) გაფორმებული ხელშეკრულება.

გარანტიის ძალაში შესვლის წინაპირობა:

გარანტია ძალაში შედის საავანსო თანხის (ან მისი ნაწილის) პრინციპალისათვის შემდეგ ანგარიშზე -----
----- გადარიცხვისთანავე.

გარანტიით უზრუნველყოფილი ვალდებულება:

“გარანტი” კისრულობს ვალდებულებას, ყოველგვარი უარყოფისა და გასაჩივრების უფლების გარეშე, აგრეთვე ზემოაღნიშნული ხელშეკრულების მოქმედების ვადის ან ნამდვილობის მიუხედავად, “ბენეფიციარის” პირველივე წერილობითი მოთხოვნის (არ არის სავალდებულო მოთხოვნა შეიცავდეს მითითებას კონკრეტულ დარღვევებზე) მიღებიდან სამი საბანკო დღის ვადაში გადაუხადოს მას გარანტიის თანხა.

გარანტიის თანხის მოთხოვნის საფუძველი:

“გარანტი”-ს მიერ საგარანტიო თანხის გაცემა მოხდება, თუ ზემოაღნიშნული მოთხოვნა წარდგენილი იქნება „ბენეფიციარის“ წარმომადგენლობაზე უფლებამოსილი პირის ხელმოწერით გარანტიის ვადის ამოწურვამდე. თუ პირველი მოთხოვნა წარდგენილია გარანტიის ვადის ამოწურვამდე და გარანტიის თანხა არ არის გაცემული, ხელმეორე მოთხოვნა (ასეთის არსებობის შემთხვევაში), რომელიც აზუსტებს ან იმეორებს პირველ მოთხოვნას ვადაში გაგზავნილად ითვლება (მიუხედავად მისი გაგზავნის თარიღისა) და ექვემდებარება ანაზღაურებას.

საგარანტიო თანხის შემცირება:

საგარანტიო თანხა მცირდება „პრინციპალის“ ვალდებულების შესრულების პროპორციულად, თუ ეს დადასტურებულია „ბენეფიციარის“ მიერ პირდაპირ ბანკისათვის წერილობით (წარმომადგენლობაზე უფლებამოსილი პირის მიერ ხელმოწერით).

გარანტიის მოქმედების ვადა :

----- - მდე და ამ დღის ჩათვლით. მოთხოვნა გარანტიაზე გადახდის შესახებ “ბენეფიციარის” მიერ წარმოდგენილ უნდა იქნას ამ თარიღამდე და ამ თარიღის ჩათვლით. თუ გარანტიის მოქმედების ვადის ბოლო დღე ემთხვევა არასაბანკო დღეს, ვადა ავტომატურად გრძელდება მომდევნო საბანკო დღის ჩათვლით.

თუ წინამდებარე საბანკო გარანტიის მოქმედების ვადაში არ იქნა წარმოდგენილი “ბენეფიციარის” წერილობითი მოთხოვნა (არ არის სავალდებულო მოთხოვნა შეიცავდეს მითითებას კონკრეტულ დარღვევებზე), მაშინ გარანტიის მოქმედება წყდება.

წინამდებარე გარანტია რეგულირდება საქართველოს სამოქალაქო კოდექსით.

საბანკო გარანტიის თაობაზე წამოჭრილი ყველა დავის გადაწყვეტა მოხდება ურთიერთმოლაპარაკების გზით. შეთანხმების მიუღწევლობის შემთხვევაში დავა განიხილება საქართველოს კანონმდებლობის შესაბამისად.

დანართი 7: შესრულების გარანტია

გარანტი:

გარანტის სახელწოდება

პრინციპალი :

პრინციპალის სახელწოდება

პირადი ნომერი/საიდენტიფიკაციო კოდი: -----

ბენეფიციარი :

ბენეფიციარის სახელწოდება

გარანტიის თანხა :

გარანტიის გაცემის საფუძველი :

“ბენეფიციარსა” და „პრინციპალს“ შორის 201- წლის (რიცხვი, თვე) # ____ ტენდერი საფუძველზე გასაფორმებული ხელშეკრულების შესრულების უზრუნველყოფა.

გარანტიის ძალაში შესვლის წინაპირობა:

გარანტია ძალაში შედის მისი გამოცემისთანავე.

გარანტიით უზრუნველყოფილი ვალდებულება:

“გარანტი” კისრულობს ვალდებულებას, ყოველგვარი უარყოფისა და გასაჩივრების უფლების გარეშე, აგრეთვე ზემოაღნიშნული ხელშეკრულების მოქმედების ვადის ან ნამდვილობის მიუხედავად, “ბენეფიციარის” პირველივე წერილობითი მოთხოვნის (არ არის სავალდებულო მოთხოვნა შეიცავდეს მითითებას კონკრეტულ დარღვევებზე) მიღებიდან სამი საბანკო დღის ვადაში გადაუხადოს მას გარანტიის თანხა.

გარანტიის თანხის მოთხოვნის საფუძველი:

“გარანტი”-ს მიერ საგარანტიო თანხის გაცემა მოხდება, თუ ზემოაღნიშნული მოთხოვნა წარდგენილი იქნება „ბენეფიციარის“ წარმომადგენლობაზე უფლებამოსილი პირის ხელმოწერით გარანტიის ვადის ამოწურვამდე. თუ პირველი მოთხოვნა წარდგენილია გარანტიის ვადის ამოწურვამდე და გარანტიის თანხა არ არის გაცემული, ხელმოწერა მოთხოვნა (ასეთის არსებობის შემთხვევაში), რომელიც აზუსტებს ან იმეორებს პირველ მოთხოვნას ვადაში გაგზავნილად ითვლება (მიუხედავად მისი გაგზავნის თარიღისა) და ექვემდებარება ანაზღაურებას.

საგარანტიო თანხის შემცირება:

საგარანტიო თანხა მცირდება „ბენეფიციარის“ მოთხოვნის შესაბამისად „გარანტის“ მიერ „ბენეფიციარისათვის“ გადახდილი თანხით.

გარანტიის მოქმედების ვადა :

----- - მდე და ამ დღის ჩათვლით. მოთხოვნა გარანტიაზე გადახდის შესახებ “ბენეფიციარის“ მიერ წარმოდგენილ უნდა იქნას ამ თარიღამდე და ამ თარიღის ჩათვლით. თუ გარანტიის მოქმედების ვადის ბოლო დღე ემთხვევა არასაბანკო დღეს, ვადა ავტომატურად გრძელდება მომდევნო საბანკო დღის ჩათვლით.

თუ წინამდებარე საბანკო გარანტიის მოქმედების ვადაში არ იქნა წარმოდგენილი “ბენეფიციარის” წერილობითი მოთხოვნა (არ არის სავალდებულო მოთხოვნა შეიცავდეს მითითებას კონკრეტულ დარღვევებზე), მაშინ გარანტიის მოქმედება წყდება.

წინამდებარე გარანტია რეგულირდება საქართველოს სამოქალაქო კოდექსით.

საბანკო გარანტიის თაობაზე წამოჭრილი ყველა დავის გადაწყვეტა მოხდება ურთიერთმოლაპარაკების გზით. შეთანხმების მიუღწევლობის შემთხვევაში დავა განიხილება საქართველოს კანონმდებლობის შესაბამისად.